

ՄԱՆԿՈՒԹԵԱՆ ՏԱՆԻՔՆԵՐԻՑ

Եղ բաստուրմայի հոտը խելքահա՛ն է անում: Զրանուշ տատի տանիքի տակ շարքով կախուած՝ խելքահա՛ն են անում մարդու: Զոտը մտել է քիթս ու դուրս չի գալիս, հո գոռով չի՞:

Ֆուտբոլի խաղը թողել, աղանիներիս բոյնը թողել, կուչ են եկել Զրանուշ տատի տանիքի տակ: Զոտը մտել է քիթս.- ճար չկայ:

Բուպիկ ոտներս ինձ տանում են ու կանգնեցնում Զրանուշ տատի դռան առաջ: Ձեռքս ճռռոցով բացում է դուռը: Զրանուշ տատը թեքուել է աղբիւրին՝ չամանոտ ամանն է լուանում: Եղ բաստուրմայի հոտից քիթ ու բերնիցս լործունքը ծորու՛մ է...

- Զրանուշ տատի .- թուքս կուլ են տալիս, թելքով սրբում քիթս,-...

- Բաստուրմա չկա: Առ, եթէ կուզես, էս չամանոտ ամանը քերի, կեր: Ախչի, էն շուն ու կատուին քշէք, բաստուրմաներին վնաս չտան,- եղ արդէն հարսին է ասում:

«Լա՛ւ, Զրանուշ տատ, շուն ու կատուն չգիտեն, բայց քո բաստուրմաներից մէկն ինձ մատաղ ես անելու», - եղ արդէն մտքիս մէջ են ասում ու դուրս վազում:

Զրանուշ տատը ետևիցս էլի ինչ-որ բաներ է դռդռում, բայց եղ արդէն հեշ կարևոր չէ:

Ես գիւղի փողոցով վազում եմ աղանիներիս բոյնը՝ ճամփին ջրափոսերը չըմփացնելով ու գիշերային ծրագրերս մշակելով:

Խնդիրը բարդ է: Ես իմ մի մատ հասակով Զրանուշենց տանիքը դրսի պատով բարձացողը չեմ: Բակից մտնելը բացառում է: Սրանց Սուխթառ շանը Աստուած տուել՝ չի խնայել. երկու իմ բոյին: Մեր տանից մինչեւ Զրանուշենց տանիք երկու տուն էլ կայ: Աղանիներիս բնից ուսումնասիրում եմ տեղանքը. անցնել կարելի է: Ցերեկով մի քանի անգամ փորձել եմ, բայց գիշերով, ըստ տատիս, սատանաներն ու արջամարդկները ոտքիցդ քաշում եւ ուղիղ դժոխք են տանում:

Եղ արդէն լուրջ հարց է: Բայց բաստուրմաների հոտն ու շարանը այնքա՛ն գերող են, որ հազար արջամարդ էլ լինի՝ ինձ կանգնեցնող չեն: Յետոյ էլ տատս իր հին պատմութիւններն է քրքրել, փեշերի տակից հանել: Ոչ մի սատանա էլ չկայ, եղ հո դպրոցում անցել ենք:

Ուրեմն գործի: Ճիշտ այն ժամանակ, երբ արեւը հսկայ ծուածեղի պէս սարի ետևն էր իջնում, ամպերն էլ ճիշտ բաստուրմայի գոյն էին ստացել, իսկ տանիքներին կուչ եկած խոտի դեզերն ու եղանները ճիշտ արջամարդկներ էին յիշեցնում, ես կամացուկ ծլկեցի տնից ու պատին յենուած աստիճանով տանիք բարձրացայ: Մեր հարևանի պատը կպած է մերինին, էնպէս որ անցնելը դժուար չէր. մի փոքր ցատկ՝ ու ես թելը կտրած Բալաբէկի տանիքին եմ: Պատերագնում է թելը կորցրել: Օդաչու է եղել: Զրե՛ն, դուրսը նստած դանակը քսում է սանդու քարին: Կուզեկուզ անցնում եմ հողէ տանիքն ու հասնում լաչառ Վարդուշենց տանիք: «Լաչառ» անունը ես եմ դրել: Ի՞նչ էր եղել՝ աղունիկներս ծրտել էին սրանց լուացքի վրայ: Էլ ո՛նց կը լինէր, եկել էր տատիս բողոք: Երկու ժամ ման եկան որ ինձ քոթակեն՝ չգտան: Մտել էի գինու կարասի մէջ:

Յետոյ նստեցին՝ սուրճ ու գրոյց, մոռացան: Լաչառ Վարդուշն էլ, թէ.

-Ախշի Արաքսի՛, ինչի՞ համար էի եկել: Թողեց գնաց իրենց տուն : Ամմարդ կնիկ ա: Մարդու սև թուղթը պատերազմից եկաւ: Ինքն ա ու իր հինգ երեխան:

Արեւը կարծես միանգամից մտաւ սարի ետևն ու ամեն ինչ մթնեց: Հիմա հասել եմ Հրանուշ տատենց տանիք, բայց բան չեմ տեսնում: Եղ պահին որտեղից-որտեղ տատիս պատմած սատանաներն ու արջամարոզները միտս ընկան: Հիմա հասել եմ Հրանուշենց տանիք, բայց «ռիսկ» չեմ անում ցատկել: Կարծես երկու պատերի արանքում աշխարհիս բոլոր սատանաներն ու արջամարոզները հաւաքուել ու սպասում են իմ ցատկին: Իսկ ծղօտէ պատից այն կողմ բաստուրմաները բուրում են...

Այդ հոտն աւելի զօրեղ գտնուեց, մտքիցս հանեց տատիս վախերն, ու հո՛ւպ, թռա Հրանուշ տատի տանիք: Ծղօտէ պատի մէջ անցք բաց արի ու մտայ բաստուրմաների արքայութիւն: Գիշտ է, լաւ չեմ տեսնում, բայց զգում եմ. ահա գլխիս վրայ չղջիկների պէս կախուած՝ բուրում են... Շօշափեցի ու գտայ ամենամեծ կտորը, գրպանիցս հանեցի դանակը, որ աւելի պատրաստել էի սատանաների դէմ պայքարի համար, կտրեցի թելն ու մտցրի ծոցս:

Իջայ տանիքներից՝ մոռացած աշխարհի ու սատանայ և ուղիղ՝ գոմ: Ըստ իմ հաշուարկների, Էդպիսի խոշոր կտորն ինձ մէկ շաբաթ կը հերիքէր: Ծամում էի աչքերս փակ, քիմքիս ու բերանումս զգալով բաստուրմայի անպատմելի համն ու հոտը:

Առաւօտեան ռումբը պայթեց:

-Ախշի Արաքսի՛, են թոկից փախածդ ու՞ր է, -հեղեղի պէս բակ էր մտել ու անէծքի պարկն էր բացել Հրանուշ տատը:

-Հրանուշ ջան, էլի լուսամուտ ա ջարդե՞լ, վա՛յ հողեմ նրա գլուխը:

- Բաստուրմանե՛րս չկան : Վա՛յ, աչքիդ լոյսը քոռանա, Հրա՛ջ, վա՛յ: Այ ախշի, առտու կանուխ վեր ելնեմ ի՞նչ տեսնեմ...

Ու գնա՛ց: Խօսք ու անէծք, հին ու նոր պատմութիւններ: Եղ ամենի վրայ Վարդուշն էլ տնկուեց սրանց կողքին, որտեղից-որտեղ յիշեց իր ծրտոտաց լուացքն ու էլի ինչ-որ գծութիւններ իմ անցեալից: Եղ կանչ ու անէծքի մէջ հասցրին սուրճ դնել ու բազմեցին սանդու քարին:

-Քրքրուես դու, հլա դուրս արի:

Ես, ամենախիզախ պարտիզանի պէս, կանգնեցի սրանց առջև ու երդում -պատարագ, որ լուր չունեմ, թէ ով է գողացել: Չեմ էլ նկատում, որ ծոցս ու շապիկս չամանոտ է, ես էլ բուրում եմ...

Չեմ գողացել ու վերջ:

Երեկոյեան հայրս մտաւ տուն: Տնեցիք պատմեցին եղածը: Դրանից յետոյ ամեն ինչ պարզ էր: Ես գիտէի, որ հայրս չի խօսելու ու ես էլ չեմ արդարանալու: Ամեն ինչ պարզ էր: Պէտք էր ուղղակի մի դոյլ ջուր բերել ու դնել հօրս առջև, հօրս շաւվարից հանել կաշվե գօտին ու դնել դոյլի վրայ, իջեցնել վարտիքն ու փորի վրայ պառկել թախտին: Ամեն ինչ պարզ էր...

Անցել են տարիներ: Եղածն էլ մեծ բան չէր կարծես: Բայց, ա՛յ, ինչու եմ յիշում կեղտոտ ու բաստուրմայոտ շապիկով այդ լակոտին, լաչառ Վարդուշի ծերտոտ լուացքը, հօրս խոժոռ աչքերն ու յետոյքիս դադուած տեղերը, ինչից է, որ այդքան քաղցրութեամբ եմ յիշում տատերիս անէծք - օրինանքները եւ ինչու էին այդքան անուշ բուրում բաստուրմաները, ինքս էլ չգիտեմ:

Ինչ - որ մի քաղցր յուշ մանկութեան տանիքներից ինձ խելքահա՛ն է անում...

ՄՊԱՍՈՒՄ

Նրանք չորսն էին. երկու եղբայր, երկու քույր: Ճիշտ հեքիաթի պես: Ճիշտ հեքիաթի պես էլ ամենափոքրն էր առաել ծանր տանում եղածը: Միւսներն էլ էին տխուր, բայց փոքրիկ Գրիգորի աչքերի թախծոն ուրիշ էր: Այդ թախծոն այդպես էլ նրա աչքերից դուրս չեկաւ:

Իսկ ինչ որ եղել էր, այնքան էլ հեքիաթի պես չէր. կեանքի պես էր, մարդկանց պես: Այդպես լինում է: Արթնանում ես ու մայրդ չկայ: Թողել գնացել է: Գնացել է աւելի լաւ ամուսին ու աւելի լաւ զաւակներ փնտռելու: Ի՞նչ իմանաս ինչի է գնացել: Գնացել է ու վերջ: Ու դու գլուխդ կախ քայլում ես թաղի միջով, ու դու ամաչում ես ուրիշների աչքերին նայել:

Գրիգորը գլուխը կախ էր քայլում: Մտածում էր, որ աւելի լաւ կը լինէր մայրը մահանար, քան թէ լքէր: Այդ ժամանակ չէր ամաչի մարդկանցից: Երանի՜ մահանար: Ինքն ամեն օր գերեզման կը գնար, թարմ ծաղիկներ կը տանէր մօրը ու կը զրուցէր նրա հետ: Ու մայրը կը պատասխանէր: Կ'ասէր, որ քույրերին չնեղացնի, կ'ասէր, որ տաք հագնուի, արդէն ծմեռն է մօտենում: Մէկ էլ կ'ասէր, որ իրեն շատ է սիրում, ու որ գեղեցիկ են ծաղիկները: Եւ ինքն ուրախ տուն կը դառնար:

Հիմա տարբեր է: Չի կարողանում խօսել մօր հետ : Հարցեր չի տալիս: Չի էլ հարցնում, թէ ինչու գնաց, կամ չի՞ կարօտել իրեն: Մայրն էլ է լուռ: Միայն գիշերը, վերմակի տակ մի քանի բառ. "Մամ, արի", մամ":

Ու մանկան արցունք, որ գլորում էր աչքերից ու առաւօտեան չորանում բարձին: Ու փոքրիկ մի վիշտ, որ կորում էր մեծ քաղաքի փոշոտ փողոցներում, մարդկանց առօրեայ հոգսերում ու անհեքիաթ կեանքի վազքում:

Եկեղեցին թաղի մէջ էր: Առաւօտեան ժամերգութեանը համարեայ մարդ չէր լինում: Մի երկու ծերունի ու Գրիգորը: Գալիս էր լուռ, արշալոյսի շողի հետ եկեղեցու դռան ծածկոցից ներս էր մտնում, յենում էր պատին, տխուր աչքերով նայում վառուող մոմերին: Ու այդպես ամեն օր, ու այդպես ամիսներ...

Այդ օրն ուրախ տեսայ իրեն, ջերմօրէն բարևեց: Աչքերը կրակ էին կտրել, ճակատը քրտինքի կաթիլներով էր պատել ու բարակ շապիկի տակից նկատելի էր սրտի բաբախումը: Ասաց, որ մայրը եկել է ու անպայման պետք է գայ իրեն տեսնելու:

Երեկոյեան հարցրի դրացուս:

- Եկաւ էլ, գնաց էլ: Դատ - դատաստանի հարցեր ունէր: Էն լուս երեխեքին ոչ էլ տեսաւ: Ես էդ տեսակ մօր..., - թքախառն արդար հայիոյանք:

Գրիգորն էլ եկեղեցի չէր գալիս: Անցան օրեր: Հեքիաթը աւարտուած համարեցի: Բայց մի օր եկեղեցու դռան ծածկոցը բացուեց ու արշալոյսի շողը ճեղքեց ներսի խաւարը: Ու մի թոյլ մարմին յենուեց պատին ու զոյգ տխուր աչքեր անվերջ նայեցին վառուող մոմերին...

ԸՆԾԱՆՈՒԷՐ ԱՐԴ. ԲԱԲԱԽԱՆԵԱՆ